


SELALELO

 Go no hudua molaetša wo Ngwanešu Pearry a sa tšwago go re fa go tšwa Lentšung la Modimo. Ke therešo bjang gore “Re lekanyetša Modimo le Modimo wa nako; gomme ke Modimo wa ka Gosafelego, re ka se dire seo.” Bjalo, bošego bjo re lebane le se sengwe gape, ke selalelo.

² Mengwaga ye meraro ke letetše kereke go tla mo Tucson, eupša e mo. Eye, re—re mo. Bjalo re leboga Morena, O re dirile gore re lete go fihla re kgona go e thabela bjale.

³ Bjale, go na le se setee se ke ratago go se bolela fela pele ga ge re thoma ka selalelo, ke se, gore ke dumela gore re bone tše ntši mo letšatšing la rena le re phelago mo go lona, gore re tlamega go neela (tšohle) borena ka moka go Modimo. Re—re swanetše ka therešo go direla Modimo. Ke dumela gore O re šegofaditše ka karabothwii go ya Mangwalong. Bjalo ka ge Ngwanešu Pearry a e file nakong e se kae ya go feta, gore re—re mo—re mo nakong yona yeo. Ga se rena difofu, re—re—re a bona gore re mo, re—re fihlile.

⁴ Gape re ka kgona go lebelela go re dikologa gomme ra bona ka tsela yeo mogopolo wa batho o tlogelago batho. Gore, re—re ka se kgone go dula nako ye telele, re tla be re le lefelong la bogafa ka go felela, lefase lohle le tla be le le fao. O a bona? Bjalo re—re mo nakong ya mafelelo.

⁵ Bjale, ge Ngwanešu Pearry a feleletša mola, re bona gore dilo tše ke therešo, bona gore ke therešo, ga se dinonwane. Ga e no ba se sengwe seo re se naganago. Ke sengwe seo re se filwego thwii ke Lentšu la Modimo gomme ya bonagatšwa pepeneneng pele ga rena, gore re a tseba gore re mo. Ga—ga re tsebe gore nako e kae bjalo, ka gobane gape re boela morago go sešupanako, O a bona, gore ke nako mang. Eupša re a . . . re a tseba re—re mo, re mo nakong. Ge e ba ke nako ya Modimo, ke gopola . . .

⁶ Yo mongwe o fa phetleko ye nnyane nako ye nngwe ye e rago gore ge Modimo a beelana le yena go ya ka . . . ge A be o ka aba nako, ngwaga—ngwaga e sekete se tee e no ba tšatši le tee. Ka fao ge motho a phetše mengwaga ye masomešupa, e tla no ba fela metsotso e se mekae ya nako ya Modimo. O a bona? Go lokile, gomme a re e tla ba mengwaga ye majomešupe nne, e ka se ke ya be ya ra nako, le gatee, A kgona go ponya leihlo la Gagwe. O a bona? O a bona, ke ka fao e lego ka pela, selo sohle, ge—ge e ka fiwa nako; mola A se na le le ge e ka ba nako. Ka fao O no ba ka go sa Felego.

⁷ Ke a dumela e be e le Sarah kua morago. . . goba, aowa, Joseph, bošego bjo bongwe, a re go nna le Ngwanešu Pearry, a

re, “Tate, kae, na Modimo o tlile neng tiragalong? O be a etšwa kae?” O a bona? “O be a swanetše goba le mathomo, a ga A Bjalo? A o be a se a swanela go thoma?”

⁸ Ka re, “Aowa. Se sengwe le se sengwe se se nago mathomo se na le mafelelo, eupša ke seo se se nago mathomo ga se na le mafelelo.” Eupša, go swanetše, o na le mengwaga ye lesome ka botala, e be e le mohuta wa—wa go tlala mothamo go yena. O a bona? A o be a ka kgona bjang go amogela seo, go tseba gore se sengwe ga se saka sa thoma? E se go fela go yena, le go nna. Bjale, o a bona, e fo ba tekanyo ye kgolo go nna, gore e thomile bjang.

⁹ Bjale re itukišetše go obamela se sengwe mo seo e lego se sekgethwa ka therešo.

¹⁰ Ke be ke beditšwe matšatši a se makae a go fela, go Mokriste wa go hlomphega yo—yo a sego a ka a ba le se, gomme a kwišišitše gore re ja selalelo ka therešo. Ba se tšea ka seo ba se bitšago “selalelo sa semoya.” E le gore, ge go etla *kopanelo*, nka re go lokile, ka gore go *kopana* ke “go bolela le,” o a bona. Gomme morwarre o mpha Lengwalo le, a re, “Ngwanešu Branham, ga o gopole bjale. . .”

¹¹ Bjale, ka lebaka leo ke re go se. . . Go lokile, Ngwanešu Pearry? [Ngwanešu Pearry Green o a araba, “Therešo.”—Morulaganyi] O a bona, ke ka baka leo ke realogo, gore o kwišiše seo o se dirago. O ka seke. . . ge o sepelela le ge e ka ba ka go eng ka bofoku, ga o tsebe gore kae, a o dira eng. O ka seke wa be wa ba le ge e ka ba tshepho ge o sa tsebe seo o se dirago. Eupša o swanetše go kwišiša se o se dirago le gore o se dira ka baka la eng.

¹² O rile, “Bjale ge re tšea Lentšu la Modimo, a ga se Modimo yoo, yo re mo tšea go?”

¹³ Ka re, “Ka nepo go bjalo, mohlomphegi, ke therešo. Eupša re bala mo gore gabotse. . . Paulo o rutilo go ja ka nnete selalelo sa Morena. ‘Dirang bjalo e be go nkgopola,’ Jesu a realo. ‘Ke gona ka mehla ge le eja senkgwa se, le enwa senwelo se, le tsebatše lehu la Morena go fihla ge a etla.’ O a bona? Bjale re swanetše go se ja.

¹⁴ Re kwišiša gore Mokgethwa Paulo, yo a se beilego ka Kerekeng, e le moporofeta wa Testamente e Mpsha. Petro, Jakobo, Johane, ka moka ga bona, ba ngwadile (ka baka la eng, Mateo, Mareka, Luka) seo Jesu a se dirilego bjalo ka bangwadi. Eupša Paulo a bea seo mo lenaneong, e be e le—e be e le moporofeta wa Testamente ye Mpsha. Bjalo ka ge Moshe a ile a ya lehanatheng go amogela tšhušumetšo ya go ngwala Dipuku tše—tše hlano tša—tša. . . Dipuku tše hlano tša Beibele, ka fao, Paulo le yena o ile lehanatheng gomme a amogela tšhušumetšo go tšwa go Modimo go beakanya Kereke ya Testamente ye Mpsha ka lenaneo gomme a E swantšha le e Tala.

15 Ka fase ga yela ba be ba na le kwana ya sehlabelo, ye Israele e bego e e boloka ya ba segopotšo. Gabotse e ile ya šomišwa nako ye nngwe, ge go tšwiwa Egepita. Eupša ba ile ba boloka seo bjalo ka segopotšo go theoga le go tšwelela ga lebaka leo. Go lokile, “ge molao e le morithi wa dilo tše di sa tlogo,” o a bona.

16 Bjale, ke dumela gore *kopano* (seo re se bitšago “kopano,” bjale) ke go . . . ke “selalelo sa Morena.”

17 Bjale, re na le fela diponagalo tše tharo tše Kgethwa tše re di tlogeletšwego: ye nngwe ya tšona ke—ke selalelo; go hlatswa maoto; kolobetšo ya meetse. Ke dilo tše tharo fela. Ke phethagalo, ya boraro, o a bona. Gomme ke fela ditaelo tše tharo tšeo re nago le tšona. Re lemoga gore e be e le yona taba ye e filwego ke Mokgethwa Paulo ka Tastamenteng ye Mpsa.

18 Bjale, ge re ka re “selalelo e swanetše go no ba fela go ja Lentšu,” ga ke kgolwe go yo mongwe o na le tokelo ya goja selalelo sa Morena go fihla ge a tšere le—le Lentšu la Morena ka pelong ya gagwe. O a bona? Ka gore ke ya . . . ke tla le balela se sengwe mo dinakwaneng di se kae le tla bona. Bjale, hlokomela. Bjalo, ka baka la eng re be re tla . . .

19 Godimo ga motheo wo o swanago re be re ka kgona ka nnete go lokafatša Salvation Army. Ga ba dumele go mohuta ofe kapa ofe wa kolobetšo ya meetse, ba re, “Ga re e nyake.” Bjale, ge re sa nyake kolobetšo ya meetse, ke ka baka la eng re kolobetšwa? Ba re, “Meetse a ka se kgone go go phološa, Madi a go phološa.”

20 Ke tla dumelelana le seo. Ke—ke therešo, Madi a go phološa, e sego meetse. Eupša re *swanetše* go tšea meetse bjalo ka maikutlo a ka ntle gore bokagareng mošomo wa mogau o dirilwe. O a bona? Ka fao re swanetše le ke selalelo.

21 Ge re tšere Morena, Sehlabelo sa rena, ka go rena bjalo ka taba ya Tswalo ya semoya ka go rena, le Mmele wa Gagwe, re phela ka Yena ka Lentšu, le rena re swanetše re e swantšhe ka gore ke taelo. “Sokologang, ka moka le kolobetšwe Leineng la Jesu Kriste, e be gona go lebalelwa dibe.”

22 Paulo o ile, “Se nna ke se filwego ke Morena, ke sona se nna ke le neetšego sona, ‘šedii Morena Jesu, bošego bjo a ekilwego ka bjona o tšere senkgwa, a re go se ngwatha a re, tšeang le je, ke mmele waka o newago ka baka la lena. “Dirang bjalo e be go nkgopola.” Ka gona ka mehla ge le eja senkgwa se le tsebatše lehu la Morena go fihla ge a etla. Bjale re hwetša gore, ka fao, ba bile le batho ba go tla le . . .

23 Yo morwarre yo bohlokwa, morwarre morategi kudu, o tlile gomme a re, “Ga se nke—ga se nke ke se ja, Morwarre Branham, ga ke kwišiše gore sona ke eng.” A re, “Ke rutilwe lehlakori le lengwe.”

24 Ka re, “Eupša gopola, re tla dumela gore Mokgethwa Paulo o se beile ka lenaneo ka mo Kerekeng ya pele ya Bakriste. Ba tlogile kerekeng. . . go tloga ngwakong go ya ngwakong, ba ngwatha senkgwa ba le pelo tee, bjalo bjalo. Bjale,” ke rile, “o se beile ka Kerekeng. Bagalata 1:8, o rile, ‘Ge lengeloi go tšwa legodimo le ka tla la bolela se sengwe gape, a e be morogwa,’ o a bona, o a bona, yena yo a gore ba kolobetšwe gape go tšwa kolobetšong ya Johanne, ba kolobetšwe Leineng la Jesu Kriste.”

25 O a bona, go na le dilo tše tharo tšeo re swanetšego - dilo tše tharo tšeo re swanetšego go di dira bjalo ka dika: selalelo sa Morena, go hlatswa maoto, kolobetšo ya meetse. O a bona? Go na le. . .

26 O re, “Go lokile, ba. . .” Bjale, Salvation Army e e tšea go tšwa ntlheng ye, “Lehodu la go hwa, ge a e hwa o be a se a be a tšwa a kolobetšwa, Jesu o rile o tla ya Legodimong.” Seo ke therešo ye e nepagetšego. Seo ke nepagalalo. Eupša, o a bona, o—o—o lemogile Jesu gona fao ka iri ya ge a ehwa. O a bona? Ke fela—ke fela sebaka se a go ba le sona. E—e be e le lehodu, o be a tšwele, o be a le ka ntle. Gomme a, ka pele pele ge a bona Seetša sela, a Se lemoga, “Morena nkgopole!” Gomme Jesu. . . E be e le therešo.

27 Eupša go lena le go nna ba re tsebago gore re swanetše go kolobetšwa, gomme re gana go dira, gona e tla ba magareng ga gago le Modimo. Sa go no swana le selalelo!

28 Bjale, ge re eja selalelo se, ga e no ba selo go re, “Ke tlile mo ke ya go ja senkgwa, gomme ke tla dumela ke nna Mokriste.” Eupša, ge e ba o hlokometše Beibele e rile, “Yo a ja go, gomme a nwa a se a swanela o tla ba le molato wa Madi le Mmele wa Morena.” O a bona? O swanetše go phela bophelo bjo—bjo. . . pele ga batho, bjo. . . le pele ga Modimo le batho, bjo bo laetšago gore o—gore o kgothetše.

29 Bjale e no ba lebaka le le telele. Bjale, ka Tastamenteng e Tata ge sehlabelo se dirwa mo—mo molao goba molawana. Gomme ka fao kolobetšo ya meetse ke molawana; ka fao go hlatswana maoto ke molawana; ka fao selalelo sa Morena ke molawana. “Wa lehlogonolo ke yo a dirago ditaelo tša Gagwe ka moka, a lota melao ya gagwe ka moka, yohle ya melao ya Gagwe, gore a be le tokelo ya go tsena ka Sehlang sa Bophelo.”

30 Bjale, hlokomela ka mo go se bjale, gore le mathomo, ge la mathemo e be e le taelo ya Modimo go tliša sehlabelo kerekeng, le tempeleng le aletareng, gomme wa neela mpho ya gago, ya—ya dibe tša gago, sehlabelo sa kwana. Go lokile, ke kgona go nagana ke bona morwarre wa Mojuda a rotoga ka tsela, a tseba gore o na le molato, gomme o ya aletareng; goba o tliša pholo goba powana ya gagwe ya go nona, goba seo a bego a na

le sona, goba kgapa, kwana, se sengwe. O be a rotoga ka tsela a e tliša a hlokofetše ka fao be go a kgonago go tla, o be a sepela mola a lotile taelo ya Modimo ka tlhokofalo yeo a bego a e kgona.

³¹ Nako ye o be a bea diatla tša gagwe godimo ga yona, a ipolela dibe tša gagwe, gomme moprista a bea se (dibe tša gagwe) godimo ga kwana gomme mogolo wa kwana o be o ripša, gomme—gomme nako yeo ya mo hwela. Ge e robetše mola, kwana ye nnyane e raga gomme e etšwa madi, diatla tša gagwe di tletše madi, gomme wona a fofa mo gohle (kwana ye nnyane phatlalatša e ehwa), o tla lemoga gore o dirile sebe gomme se sengwe se swanetše go hwa legatong la gagwe. Ka fao, o be a neela ka lehu la kwana sebakeng sa lehu la gagwe. O a bona, kwana e hwile legatong la gagwe. Gomme monna o dirile seo ka tlhokofalo, mo botebong bja pelo ya gagwe.

³² Mafelelong, gape le gape e ile ya ya gape, gape le gape e ile ya tšwelapele e eya go fihla ge mafelelong e e ba setšo. Molao wa Modimo ya ba setšo go batho. Gomme bjalo šo o atla o a theoga, “Go lokile, a re bone, yo ke semangmang lehono, mohlomong bokaone a ke theoge. Ee, bokaone ke neele ka—ka powana.” O theogile, “Go lokile, Morena, powana ya ka še.” O a bona, ga go na le tlhokofalo ka go seo, ga go na le kwišišo ya seo fao.

³³ Bjale, ga re nyake go ja selalelo go swana le ka mokgwa woo. Ke selo se se swanago ge re etla tafoleng ya Morena.

³⁴ Isaiah 35. . . aowa, ke kgopela tshwarelo, Isaiah 60. . . a ke re tšeele morago. Ke—ke—ke dumela gore ke Isaiah 28, ke fao re hwetšago se. Ke na le therešo ke gore ke tema ye e swanetšego. O rile, “Molao o swanetše go ba godimo ga molao; le mothalo godimo ga mothalo; lebakanya mo, lebakanyana mola. Swara o tiiše go seo e lego se se botse. Ka melomo e golagoletšago le maleme a mangwe ke tla bolela le batho ba. Gomme ye ke yona Khutšo.”

³⁵ O rile, “Ka moka ditafola tša Morena di tletše mahlatša. Nka ruta mang Thuto? Nka dira mang gore a kwišiše? O a bona? Ke nagana gore e be e le Lengwalo la therešo, Isaiah 28. Nka dira mang gore a kwišiše Thuto?” O a bona? “ditafola.”

³⁶ Bjale, re hwetša gore lehono selo se segolo sela se re itukišetšago go se dira bogešong bjo, ka go gopola lehu la Gagwe le Mmele wa Gagwe wo re dumelago gore re o ja letšatši ka letšatši, goba re sa tšwago go fetša go ja bjalo ka ge morwarre a be a re rerela. Go tšea Lentšu la Modimo, re Le dumela ka pelo ya rena ka moka. Re le bona le phethagala; re Le bona le fiwa rena; re le bona le bonagatšwa; re Le kwa mo maphelong a rena. Gomme re swanetše go tla go se ka botebo bja letswalo la seo re se dirago, e sego feela ka gore e no ba taelo.

37 O ya ka kerekeng, gomme dinako tše ntši ba fana ka senkgwana se go pšhatlega sa soda goba se sengwe sa mohuta, ba se ngwatha, le senkgwa se bohwefe goba—goba se sengwe, gomme—gomme ba a bo ngwatha; gomme batho ba ba kgogago, ba e nwa, le tše dingwe gape, ka baka la gore e le maloko a kereke ba atla ba ja selalelo sa Morena. Go lokile, ke makgapha pele ga Morena!

38 Le ka sehlabelo, o re, “Matšatši a lena a makgethwa le dihlabelo tša lena di ba bjalo ka monkgo dinkong Tša Ka.” Eupša O ba beile go dira sehlabelo seo. Eupša ka tsela yeo ba se swarago ka gona, e ba monkgo o mobe, se nkgwa ka dinkong tša Gagwe (dinko tša Gagwe) sona sehlabelo seo A se beilego.

39 Ke ka tsela yeo re tšeago Lentšu la Modimo, Bakriste ba bantši kudu lehono (bao ba bitšwago) ba dira seo. Re ema mo gomme ra ruta Lentšu le, gomme ra re, “Jesu Kriste ga se yo a swanago maabane, lehono le ka go sa felego,” gomme re ruta dilo tše A di tšhephišitšego rena, gore O tla di hlompha, gomme re re, “O, go lokile e be e le ya se sengwe gape,” ditirelo tše kgethwa tša rena di no ba monkgo dinko tša Gagwe. A ka seke a be a e amogela, le ka mokgwa ofe. Ke ka lebaka leo, ka mekgwa ya motlwae wa rena.

40 Ga o je selalelo sa Morena ka motlwae. O a se ja ka baka la gore ke lerato la Modimo ka pelong ya gago, go bolokeng melao ya Modimo. O a bona, ke seo o se jelago sona.

41 Bjalo ge o sa se je ka tlhokofalo, e fo ba motlwae, “Go lokile, kereke ya rena e ela hloko selalelo ga tee Sontaga se sengwe le se sengwe, goba gatee kgwedi yenngwe le yenngwe, goba gabedi ka ngwaga.” Gomme o a hlatloga, o re, “Go lokile, ke nako ya ka,” gomme—gomme nako yeo o o ja selalelo ka baka la eng, ke monkgo dinkong tša Modimo! O a bona, e no ba motlwae.

42 Go no swana le se sengwe le se sengwe gape, o—o swanetše go hlokofala. Modimo o nyaka botebo bja pelo ya gago. O a gopola, yena Modimo yo a go tlišitšego mo lefaseng ke Yena yo o mo direlago. O a bona?

43 Le dira se ka gore o boletše bjalo, ka baka la gore ke taelo ya Gagwe. Ka gona re nyaka go tla ka botebo bja tlhokafalo, re tseba gore ka mogau wa Modimo re phološitšwe. Gomme re—re a Mo rata re kwele Bogona bja Gagwe, gomme re—re Bo bone bo fetotše maphelo a rena. Bo-borena ka moka bo a fetolwa re—re—re batho ba ba fapanego. Ga re phele go swana le ka moo re bego re dira, ga re nagane go swana le ka moo re bego re dira.

44 Go swana le ka mo Pukung mo, le lefelo kua le re bego re bolela ka lona di—di Puku tše pedi e eba e Tee, Puku ya Bophelo. Puku ya mathomo ya bophelo e tšwelela, e be e le ge o belegwa, e be e le tswalo ya gago ya tlhago. O a bona? Eupša

gona fao noko ye nngwe, kua morago tlase kua, go be gona le thorwana ye nnyane ya Bophelo bjalo ka ge ke be ke hlathollela ba bangwe ba dikgaetšedi tša baswa ka ngwakong ka merithi. O a bona, go na le thorwana ye nnyane ya Bophelo e robetše fao, yeo a makalago, “A e tšwa kae? Ke eng—ke eng dilo tše di sa tlwaelego?”

⁴⁵ Ke be ke bolela se, ke itšea nna, go swana le ge o be o eya gore, “William Branham, go lokile, mengwaga ye masomenne ya go feta, William Branham, ga e sale yo a swanago bošego bjo.” Ge yo mongwe kua morago a ka re, “William Branham, e be e le sekebekwa sa direnkeng,” o a bona, ka baka la gore ke belegwe ke Charles le Ella Branham. Ka tlhagong ya bona ke be ke le modiradibe, ke tlile lefaseng, ke le moaketši, gomme mekgwa ka moka ya ya lefase e be e robetše ka gare ga ka. Eupša fase gona ka kua, gape, go be go le Tlhago ye nngwe ye e lego gona, o a bona, kgethelo pele, e e le fao ka Modimo. Ka mo mmeleng wona wo, o a bona, ditlhago tše pedi ka moo.

⁴⁶ Go lokile, ke be ke hlocomeletšwe go e tee. Ge e gola, ke thabile bjalo ka ngwana, “Tat-ta.” Sa pele o a tseba, ke bile ramaaka, ka ba tšohle tše e lego modiradibe, ka gore ke godišitswe ka tsela yeo. Eupša fase gona ka fao go be go na le tshahlana ya Bophelo nako ka moka.

⁴⁷ Ke be ke fela ke gopola, ge ke sa le mošimane yo monnyane... (ke a tshepha ga ke le swarelele nako ye telele. Eupša tsebong...) Ke dutše ka ntle ka gare... godimo—godimo ga leriba la nokana, gomme ke be ke dula moo gomme ke lebelela mo gohle nako ya bošego. Tate le mme, ba sepetše gona bjale go ya khutšong ya bona. Gomme matšatši ao e be e be e le badiradibe, go be go se Bokriste magaeng a bo rena le gatee. Gomme, o, nna, go nwa le dipathi, le go ya pele; go be go mpabjiša, ke be ke tšea le bone la laka le mpša yaka gomme ke ya sekgweng, go dula fao bošego ka moka. Nakong ya marega ke be ke tsoma go fihla ge phathi e be e fedile, mohlomongwe ge letšatši le hlaba mesong. Ke tle gae, ge e se ya fela ke tla be ke robetše godimo ga mokutwana ke otsela, ke leletše go hlaba ga letšatši ge go tšwelela.

⁴⁸ Gomme ke be ke tla nagana ka fao dinako tšeo, ge ke be ke le ka ntle nakong ya selemo, ke tšea diphata tša ka gomme ke di bea fase go thiba phefo, moo ge e ena; ke robala fao gomme ke na le dikota di hlabile ka meetseng, ke thea dihlapa, mpša ya ka ya go hlahliwa e robetše fao. Ke be ke re, “Lebelela mo. O a tseba, marega a go feta ke kampile gona mo bošego bjo bongwe, ke goditše molla gona mo ge ke be ke sa letetše mpša yaka ya go tšofala mo mohlareng, gomme ke bile le mollong gona mo. Go be go gatsetše diitšhi tše hlano go tšwa ka mobung. Eupša wena letšobana le lennyane o be o etšwa kae?” O a bona? “Go lokile, gomme o tšwa kae? Ke mang yo a tšwetšego mo gomme a go bjala? Gomme ke ngwako o fe wa go

fiša woo ba go ntšhitšego ka go wona? Goba—goba go reng ka wona, O tšwa kae?” O a bona? Lona letšoba le lennyane lela, ka re, “Ka baka la eng, go be go kgahlile, le dilo tšohle, gomme ka gotša mollo mo godimo. Ntle ga dielemente tša go kgahla, go be go na le elemente ya phišo e robetše mo godimo ga kota ya go tšofala moo ka go go tšhuma. Eupša le ge go le bjalo ke wena yo, gomme o a phela. O tšwa kae?”

⁴⁹ E be e le eng? Fao go be go na le William Branham yo mongwe. O a bona? Lefelwana le le nnyane la Bophelo bjo Bo sa felego tlase kua, go tšwa go—go—go leabela la Modimo, Lentšu la Modimo leo le bego le beilwe fao. Yo mongwe le mongwe wa lena o kgona go nagana dilo tša go swana. O a bona, E be e šoma.

⁵⁰ Bjale lebelela godimo mehlareng, gomme gopola, “Letlakala, ke go bone o ewa ngwaga wa go feta, gomme ke ka lebaka la eng o boetše fao gape? O tšwa kae? O tlišitšwe ke eng mo?” O a bona, E be e le Bophelo bjo Bo sa felego bo šoma ka mmeleng.

⁵¹ Bjale, nako yeo letšatši le lengwe ge ke be ke sepela, lona Lentšu lela le bolela, “O se ke wa be wa kgoga, go nwa, bjalo bjalo.” Gomme batho ba baswa gomme ka moka ba tšofetše. O a bona, fao go be go na le se sengwe se se sepelago.

⁵² Eupša ka moka ga tee ka lebelela godimo, gomme ka re, “Ga se nna Morwa wa Charles le Ella Branham. Go na le Se sengwe se se bitšago.” Bjalo ka ntšhu ya ka ye nnyane, “Ga se nna lentsuana. Go na le Se sengwe ka kua godimo, lefelong tsoko. O Jehofa, yo Mogolo, Goba O mang, bula! Ke nyaka go tla gae. Go be go na le se Sengwe ka go nna, se se bitšago.”

⁵³ Ka nako yeo ke ile ka tswalwa gape. Bophelo bjo bonnyane bjoo bo be bo robetše fao, bophelo bja meetse bja tšhollelwa godimo ga Bjona, ka nako ye Bja thoma go gola. Bjale bophelo bjola bja kgale bo be bo lebaletšwe, bo beilwe ka lewatleng la tebalo ya Modimo, ga bo sa ke bja hlwa bo gopolwa kgahlanong le nna gape. O a bona? Bjale re eme re lebaletšwe (mo o ka rego ga se ra ke ra dira sebe) mo Bogoneng bja Modimo.

⁵⁴ Bjalo ge re etla tafoleng ya Modimo, re swanetše re tle ka boithaopo, lerato le tlhomphe, le go “Lebelela moo re ka bego re le gona ge nka be e se ya ba ka Yena.” O a bona? Lebelela mo e ka bego. . .

⁵⁵ Ka fao, Paulo, ke gopola, a re se “Ka fao, ge le phuthegela go ja, le letelane.” Ke gore, ka mantšu a mangwe, e nong le ema metsotso e se mekae, rapelang, ithodišišeng. Gomme ge o tseba gore morwarre o ka mola, o kgauswi le go dira se sengwe se se fošagetšego, goba se sengwe, gomme o a mo rapelela le yena. O a bona? O a bona, “letelanang,” letang metsotso e se

mekae, rapelang. Ge go na le maikutlo a mangwe gare ga gago goba se sengwe, o seke—o seke o seke wa se dira, o seke wa se dira, ya go lokiša seo pele. O a bona? Ya go otlolla seo pele, ka gore ba nyaka go tla mo ba hlwekile ka mo ba ka kgonago, gomme le megopolo ya rena seng le go Modimo, le go borena seng, gomme re tla re kopanela go dikologa tafola ya Morena. O a bona?

⁵⁶ Gomme re dira se ka gore re neela ditebogo go Yena, le magareng ga rena. Re eja senkgwa magareng ga rena, re enwa beine magareng ga rena, bjalo ka Madi a Gagwe le Nama ya Gagwe.

⁵⁷ “Ge o sa je Nama ya Morwa motho gomme wa nwa Madi a Gagwe, ga o na le Bophelo ka go wena.” O a bona? O a bona, ke se Beibele e se boletšego. Ntle le gore o se dire, ga go na le Bophelo. O a bona? Gona ge o, gagolo goba gannyane, laetša gore o na le dihlong go itsibiša bjalo ka Mokriste, ka baka la bophelo bjoo o bo phelago. Gomme nako yeo ka therešo ke phenkgišano. Nako ye o ge o sa je, ga o na le Bophelo. Ge o ka dira wa ja o sa swanela, o o ba molato ka Mmele wa Morena.

⁵⁸ Go swana bjalo le ka kolobetšo ya meetse. Ge re re, “Re dumela go Jesu Kriste, O re phološitše go tšwa dibeng tša rena, gomme re kolobetšwa Leineng la Jesu Kriste,” ka baka la eng, re tliša—re tliša kgobogo go Yena, re dira dilo tše di fošagetšego gomme re—re tla swanelwa ke go lefela seo. Gomme selo se sengwe gape, ge re dira seo, re leka go bolela se sengwe mola re dira se sengwe.

⁵⁹ Ke bothata bja rena lehono. Se ke se naganago. . . Ke re “rena,” nna le phuthego ye Morena Modimo a ntumeletšego go bolela go yona mo dinakong tša mafelelo, mo re dumelago gore re mo nakong ya go tswalela. Re dumela gore Modimo o file rena Molaetša. O beilwe ke Modimo, O netefaditšwe ke Modimo, O laeditšwe ke Modimo. Bjale re swanetše go tla go Yena ka tlhompho gape le ka lerato, le ka—le ka go hlweka ga pelo le mogopolo le moya.

⁶⁰ Le a tseba, nako e tla fihla ka pela, ge—ge mo magareng ga rena go tla. . . Moya o Mokgethwa o tla bolela bjalo ka ge o dirile ka go Anania le Safira. Gopolang, wa bona, nako yeo e a fihla. Le a bona? Gomme re. . . Bjale, le no gopola gore, le a bona, gore Modimo o ya go dula magareng ga batho ba Gagwe. Ke seo A nyakago go se dira gonabjale.

⁶¹ Re ka kgona go amogela Molaetša, ge o re. . . Ge nkabe ke le monna yo moswa gomme—gomme ke tsoma mosadi, gomme ka kgona go hwetša mosadi, ka re, “E fo ba yo a phethagetšego. Ke Mokriste. Ke Mohumagadi. Ke tšohle tše, ke na le tshepho.” Go sa tshwenye gore tshepho ye kae, ke nagana gore ke yo mokaone ga kakang, ke swanetše go mo amogela, o swanetše go nkamogela; o a bona, godimo ga dikano tše.

62 Go lokile, ke selo se se swanago re hwetša e le Molaetša. Re bona gore O lokile. Re bona Modimo O hlatsela gore Ke therešo. O rereša ka mo go phethagetšego. Ngwaga ka morago ga ngwaga, ngwaga ka morago ga ngwaga, O tšwelapele o rereša, o tšwelapele o rereša. Ka moka tše O di boletlago, di direga fela ka yona tsela yeo A e boletšego. Bjale, re a tseba Ke therešo, eupša, bona, o seke wa o dira go tšwa ponong ya bohlaele. Ge o o dira, o na le bodumedi bja seatla sa bobedi. Bona? Ga re nyake bodumedi bja seatla sa bobedi, se sengwe seo yo mongwe a ilego a itemogela sona gomme rena re phela go tšwa ka—ka bopaki bja bona.

63 Bjalo ka ge ke dumela e be e le Jesu a ilego go Pilato, se sengwe, lentšu bjalo ka ge ke be ke gopolo, gomme O ile e no ba mola e fo ba dinakong di se kae tša go feta, “Ke mang yo a go boditšego seo?” Goba, “E utollotšwe go wena? O tsebile bjang dilo tše?” ka mantšua a mangwe. Ga ke no tseba gore lentšu la ntshe ke lefe gona bjale. E bile lebaka le le telele mola ke e badilego, eupša, “O tlile bjang—o bone bjang se... Bjang... Ke Mang yo a utollotšego se go wena? Ka Yena ge e le Morwa wa Modimo. “Ke mang yo a go utollotšego yona? A monna yo mongwe o go boditše yona? Goba,” bjalo ka ge Jesu a itše, “a ke Tate Waka Legodimong yo a e utollotšego go wena?” Bona? Bona? “O ithutile yona bjang, seatleng sa bobedi goba ke kutollo ye e phethagetšego go tšwa go Modimo?”

64 A selalelo se e no ba selo se ke no go go se ela, taelo ye nngwe, go re, “Go lokile, bohle ba ja se, le nna ke tla ja?” Ke kutollo ya gore ke nna karolo ya Gagwe gape ke nna karolo ya lena, ke a le rata gape ke a Mo rata, gomme re ja se mmogo bjalo ka seka sa lerato la rena go Yena, gape le lerato le kopanelo ya rena go motho le motho.

65 Bjale ke rata go bala tše dingwe go tšwa Mangwalo. Gomme ke a thanka... Ke kae mo o... Tsela ye nngwe le ye nngwe ye Morwarre Pearry a e kganyogago lehono. Ke duma gore le tla e bala le nna, ge le swere Beibele tša lena. I BaKorinthe, ba—ba tema ya 11 gomme go thoma ka temana ya 23.

66 Gomme ka fao le rena, mo tabaranekeleng ya rena dinakong ka moka re be re fela re dira se le go hlapiša maoto, ka mehla, ka gore di a sepelelana mmogo. Ke a dumela morwarre o tsebišitše gore “Laboraro bošego” ka lebaka la mašabašaba gomme ga le na le se se lekanego go... sebaka se se lekanego go dira gore batho ba tsene ba hlape maoto, ba ya go obamela—obamela se Laboraro bošego.

67 Bjale, ya 23 temana ya kgaolo ya 11 ya I BaKorinthe, theeletša Paulo bjale. Bjale gopola, gomme o boloke se ka kgopolong. Bagalata 1:8, “Ge rena goba morongwa go tšwa legodimong a ka le rerela ye nngwe Ebangedi,” (e sego ye Ebangedi ye a e rerilego) “a ebe morogwa.” Bona?

Se nna ke se filwego ke Morena, ke sona se nna ke le neelago sona, šedi Morena Jesu, bošego bjo a ekilwego ka bjona o tšere senkgwa:

Gomme ge a file ditebogo, a se ngwatha, . . . a re, Tšeang le je: ke mmele wa ka, wo o robjago ka baka la lena: dirang se e be go nkgopola.

68 Bjale, a nke ke eme gona mo, go re, eupša go ja mmele wa Morena Jesu Kriste mo selalelong se, ga go re gore selalelo seo ke wona mmele *wa nama* wa Kriste. Yeo ke Katoliki. Ga ke dumele gore, seo ke therešo. Ke dumela gore e no ba taelo ye Modimo a e dirilego le rena, bona, ga se mmele wa therešo. Ke . . . Bjale ke seripana se sennyane sa senkgwa. Efo ba taelo.

69 Mola ke sa dumele gore kolobetšo ya Jesu Kriste (Leineng la Jesu Kriste) ka meetseng e go lebalela dibe. Ga ke dumele gore o . . . Ke a dumela o be o ka kolobetšwa letšatši ka moka . . . Bjale, Ke a tseba gore mohlomongwe go na le batho ba ba dutšego fao bao ba tšwago go kereke ya Aposetolo, ke ra, goba ba etšwa go Kereke ya Pentekosete ye Kopanego, ye ba rerago seo. Eupša, le a bona, ga—ga ke dumele gore meetse a lebalela dibe. Goba, ge go le bjalo. Jesu o hwetše lefeela. Bona? Ke dumela gore e no ba taelo ya Modimo, o a bona, go laetša gore o swaretšwe. Eupša go kolobeletšwa go fetoga, aowa, ga—ga—ga ke dumele seo. Ga ke dumele gore meetse a lebalela dibe.

70 Gape ga ke dumele gore senkgwa se le beine di na le se sengwe se di se dirago go wena, ke fela go boloka taelo ye Modimo a re laetšego gore re e dire. O a bona? Go lokile. Ke dumela gore kolobetšo ya meetse ke seo se swanago. Ke a dumela gore go a re gapeletša go se dira, gore O se dirile go ba mohlala wa rena. Gomme O dirile se go ba mohlala wa rena. Gomme O hlatswitše maoto go ba mohlala wa rena.

71 Bjale, “Ka morago ga wona mokgwa wo o swanago gape,” temana ya 25:

Ka mokgwa o bjalo o tšea le senwelo ka morago ga selalelo, a re, Senwelo se ke Kgwerano empsha mo mading a ka, dirang bjalo ka mehla ge le se nwa, e be go nkgopola.

Ke gona ka mehla . . . (Gopolang bjale!) . . . Ke gona ka mehla ge le eja senkgwa se, le enwa senwelo se, le tsebatše lehu la Morena go fihla ge a etla. (Go fihla neng? “Go fihla ge a etla!” O a bona? O a bona?)

Le gona, mang le mang e a jago senkgwa se, a nwa senwelo se sa Morena, a se a swanela, o oba molato mmeleng wa Morena le mading a gagwe.

72 A ke fo ema motsotso. Lebaka la gore a bolele se, o bone temaneng ye nngwe moo temeng ye nngwe, gore o rile, “Ke

kwišiša gore ge le—ge le etla mmogo le a ja, le be le tagwe mo tafoleng ya Morena.” Ga se ba se kwišiša, o a bona? Ba ile ba no tlatša mpa, o a bona. Go no swana le ka mo batho ba dirago lehono, ba no phela bophelo bja mohuta wo mongwe le wo mongwe gomme ba a se eja. O a bona? O rile, “Le na le magae mo le jago ntshe, o a bona. Eupša se ke taelo ye re swanetšego go e boloka, o a bona.” Bjale:

Bjale motho a a itekole ge, gomme a tsebo ja senkgwa se a nwe senwelo se.

Gobane ge a ka ja a nwa a sa swanela, e ba go itšela le go inwela go lahlwa, ka ge a sa hlaologanye mmele wa Morena. (O a bona?)

⁷³ Ke wena eng? O Mokriste, o phela pele ga bohle bjalo ka Mokriste. Gomme ge o se ja gomme o sa phele bjalo ka Mokriste, ga o hlaologange Mmele wa Morena. O bea sešitiša tseleng ya yo mongwe, o a bona, ge ba go bona o leka go dira seo gomme o sa phele ka mokgwa wo o swanetšego go phela. O a bona, ga o hlathe Mmele wa Morena. Bjale hlokomela seo se . . . go re thugako ke eng:

Ke ka baka leo ge mo go lena go atile bafokodi le balwetši le barobadi ba bantši. (Tlhathollo ye e nepagetše ya lentšu leo Morwarre Pearry, ke “go hwa.” O a bona? O a bona, “ba bantši ba hwile.)

Gobane ge re—gobane ge re ka be re itshola, re ka a be re sa solwe. (O a bona, ge re ka be re itshola re ka be re sa solwe. O a bona?)

Gomme ge re solwa, ke go laiwa ke Morena, gore re se tlo lahlega le lefase. (O a bona, go se be le yo a itswalanyago le lefase.)

Bjale bana bešo, ge le phuthegela go ja, le letelane. (Le a bona?)


Ge e mongwe a swerwe ke tlala, a a je lapeng, le lese go phuthegela kahlolo. Ge e le tše dingwe ke tlo le laela mohla ke tlile. (Le a bona?)

⁷⁴ Bjale, ka mantšu a mangwe, le seke la no tla go se ja bjalo ka . . . Bjalo ka ge ke boletše nako ye e fetilego, ka fao Bajuda, sehlabelo sa bona, ba . . . E be e le se makatšago, se be se filwe ke Modimo, eupša go ile gwa fihla lefelong moo ba ilego ba se dira ntle le tlhokofalo le tlhomphe le ka molao, gomme sa no ba . . . sa fetoga—monkgo nkong ya Gagwe.

⁷⁵ Bjale, se swana le go tla ga rena go tla go ja selalelo sa Morena, gore, re swanetše go tla re tseba gore re dira eng. Go no swana le ge o eya ka meetseng go kolobetšwa Leineng la Jesu Kriste, o tseba se o se dirago, o bea mo kerekeng se Modimo a se beilego ka go wena, Kriste.

⁷⁶ Ge re eja se, e ba go laetša kereke gore “Ke dumela Lentšu le lengwe le le lengwe la Modimo. Ke dumela gore Ke Senkgwa sa Bophelo se se tšwago go Modimo Magodimong. Ke dumela Lentšu le lengwe le le lengwe A le bolelago ke Therešo. Gomme ke phela ka Lona ka bothakga bjaka bjo ke bo tseba, Modimo e le Moahlodi waka. Ka fao, pele ga bo morwarre, pele ga dikgaetsedi tšaka. . . Ga—ga ke ene, ga ke rogake, ga ke dire dilo tše, ka gobane ke rata Morena, gomme Morena o tseba seo gomme o mpeela bohlatse. Ka fao, pele ga lena, ke tšea phasela ya mmele wa Gagwe, go tseba gore ga ke lahlege le lefase.” Le a bona, ke tšona tšeo, gomme ke tšhegofatšo.

⁷⁷ Gomme, ke a gopola, ke be nka kgona go fa mabopaki a mantši ka se, moo ke ilego ka tšea seo gomme ka se hlatholla ka phapošing ya balwetši, gomme ka ba bona ba fodišwa.

⁷⁸ Gopolang, ge Israele e tšea se se swanago le se, ba ile ba tšea leeto la mengwaga ye masommenne ka lešokeng gomme diaparo tša bona di be di sa onale. Gomme ba tšwele ntle go se na yo a fokolago o tee—o tee gareng ga bona, ba dimillion tše pedi tša batho e le seswantšho sa se. Go lokile, Kganetša seswantšho se tla dira eng? Ge mmele wa phoofolo ya sehlabelo o ba diretše sona seo, Mmele wa Jesu Kriste, Emmanuel o tla re direla eng? A re beng le boithobo ge re etla. A re beng le bointhobo ka mokgwa wo re tsebago gore re ka tla. 

SELALELO NST65-1212

(Communion)

Molaetša wo o tla ka Ngwanešo William Marrion Branham la mathomo o tšweleditšwe ka leleme la seisemane mesong wa La Morena la, Desemere 12, 1965, kua Tabaranakeng ya Tucson ka Tucson, Arizona, U.S.A., o tšerwe go tšwa theiping ya makenete yeo e gatišitšwego mme ya tlanya ntle le go lekodišišwa ka leleme la seisimane. Phetolelo ye ya Sesotho sa Lebowa e phatlaladitšwe ka ngwaga wa 2004 ke:

©2004 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org